

Devoir ene parent

Ene z'enfant so mentalité, so manière, so comportement, so façon vive et so l'interet pou pratique deen li influencé par la formation et l'éducation deen ki so parents donne li. La façon ki parents pou enseigné et pou donne formation, ça façon -là même ki ça z'enfant-là pou développé et progressé. Le jour de Qiyaamah, Allah Ta'ala pou pose question à chaque parents concernant so z'enfants:

- **Ki l'éducation et formation ou fine donne ou z'enfants?**
- **Ki manière et ki comportement ou fine enseigne li?**

Ensemble avec responsabilité mangé-boire et l'habillement etc., chaque parent obligé donne so z'enfants formation de deen afin ki zotte capave vine honorable dans lizié Allah Ta'ala et zotte protégé contre Jahannam.

Dans ene certaine sens, ça responsabilité-là li repose plis lors mama. Parceki ene papa li reste ene bon boute le temps endehors so la caze. C'est la maman ki reste plis avec z'enfant-là. Donc li important pou ene mama ki li enseigne et forme so z'enfant. Et en premier lieu li bizin présente ene bon l'exemple dans li même pou capave assume so responsabilité plis bien.

Si ene mama li pieuse, li pas coze menti, li pas grossier, li lève bonheur li faire namaz gramatin, li faire tilaawat Qour'aan, alors banne z'enfants-là pou developpe ça banne bon qualité-là dans zotte. Mais si mama-là même pas comporte li bien, bé zenfants-là aussi pou suivre ceki mama-là faire et ça pou reste engravé juska la vie la mort. Et so résultat pou néfaste dans dounya et aakhirat. Tous ça là c'est l'effet l'environnement la caze et manière ene mama.

Donc li nécessaire pou chaque mama-papa ki zotte même zotte reste loin avec gounaah et de banne kitchose ki Islam fine defane, et aussi zotte pratique banne commandement Allah Ta'ala. Et de l'autre coté zotte enseigne banne z'enfants aussi ki zotte reste loin avec gounaah et pratique deen Allah Ta'ala. Dans ça façon là, zotte pou gagne ene bon formation de deen et l'éducation Islamique afin ki zotte capave prospéré dans dounya et dans aakhirat.

[Extrait de Al Jamiat Vol.1 No.12]



JAMIAT-UL-ULAMA DE MAURICE

Cnr. Penang & Sumatra Street, Port Louis, Mauritius,

Tel: 240-0439 / <http://www.jamiat-ul-ulama.org>

Emails: jamiat@intnet.mu / jamiathalal@myt.mu

